

春
秋
直
解

春秋直解卷二

郝敬習

桓公名軌惠公子隱公弟在位十八年

元年○春王正月公卽位

凡書卽位必正月何也禮嗣君踰年朝正于廟卽位
改元始成爲君也若莊若閔若僖國亂不朝正卽位
則史無書非仲尼以意增損如褒貶之說也世儒謂
桓弑兄削卽位可矣

三月公會鄭伯于垂

衛地

桓公弑兄得國懼諸侯弗與鄭伯爲王卿士求好焉

鄭伯以璧假許田

初鄭以祊歸魯名爲易許實輸魯平以酬狐壤之怨
緩救宋之師而未敢斷然責償也于今五年許不出
鄭亦不請一旦而責五年之負何也桓公氣餒於篡
國情迫於親鄭鄭持其急而因以爲市以璧假要之
也先王之胙土可以璧假乎易曰負且乘致寇至經
所以微其辭耳

夏四月丁未公及鄭伯盟于越

鄭地

許田歸鄭而後得鄭盟盟鄭而桓之位始定春秋之
事同盟則爲諸侯雖有弑君篡國得盟則已五霸會

盟所以得罪于三王也

秋大水

內災

冬十月

二年○春王正月戊申宋督弑其君與夷及其大夫孔父

宋自子馮奔鄭殤公構鄭十年而十一戰孔父爲之
司馬國人怨焉子馮在鄭內私華督齊魯陳三國外
助之十年而後發難亦已晚矣書弑君及大夫直也
說者區區名字官爵云桓無王此書王正之鑒也

滕子來朝

桓公篡弑而小國朝之世道可知已滕侯稱子魯子之也近魯而小魯人卑之

三月公會齊侯陳侯鄭伯于稷以成宋亂

宋督之弑殤公也以子馮爲金注而外倚四國之助也殤公死四國至子馮入而華督相矣書成宋亂從臾之辭也教人臣子謀人君父以爲市四君其弗爲人君父者乎卒也襄公死無知桓公死彭生陳侯死五父鄭伯死繼體相殘天道所爲還也

夏四月取郕

告

大鼎于宋戊申納于大

泰廟

宋之賂器也。周公其享諸。

秋七月，杞侯來朝。

公校作杞侯

桓公篡國，挾齊鄭之助，取宋賂，受滕朝，其以震矜于杞，而來朝，非志也。滕杞皆侯也。滕以子來，魯人以爲敬。杞以侯來，魯人以爲不敬。明年討杞。

蔡侯鄭伯會于鄧。

鄧地

始懼楚也。

九月，入杞。

討不敬也。諸侯朝于諸侯，不敬猶討。諸侯不朝天子，其誰討焉。

公及戎盟于唐

公新立尋盟也

冬公至自唐

禮君出比及皆告於廟告則史書後倣此

三年○春正月公會齊侯于贏

齊地

文姜始議婚也傳謂遂成昏于齊無乃惡而甚之手夫其往逆也猶稱女春不書王史文也而說者謂桓無王夫春秋諸侯其誰有王乎苟不書王而可懲無王則二百四十二正皆不書耳又曰元年書王正桓之罪二年書王正宋督十年書王以數之盈十八年

書王以桓之終皆無是而強爲例也

夏齊侯衛侯胥命于蒲

衛地

胥命相命也不刑牲不歃血結言而退說者謂仲尼善之夫善信以義春秋之信利而已奚善之有

六月公會杞侯于郕

杞公作紀
郕公作盛

杞求成也

秋七月壬辰朔日有食之旣

旣盡也

公子翬如齊逆女○九月齊侯送姜氏于謹

魯地

諸侯親送女非禮也禮卿送

公會齊侯于謹

受姜氏也

夫人姜氏至自齊

春秋不書常事嫁娶常也文姜之于魯詒之雇矣故書後倣此

冬齊侯使其弟年來聘

問姜氏也

有年

凡書災紀變也其書祥蓋幸之春秋愛亂之書也

四年○春正月公狩于郎

先王之于田以講武也。春日夏苗秋蒐冬狩。非時不舉祭祀燕享。非正不殺。山林丘藪。非地不焚。行此謂之禮。易此謂之禽。荒狩于郎。荒也。

夏天王使宰渠伯糾來聘。

桓公弑君得國。身通天討。王使慇懃下問。何以爲紀法之宗。非必名宰始見其失。

五年○春正月甲戌巳丑陳侯鮑卒。

陳侯有疾。其弟佗弑太子免自立。甲戌亂作。越十有六日巳丑陳侯卒。春秋于弑君無不書者。戌下當有闕文。諸傳謂爲再赴爲傳疑爲包舉謬也。

春秋左傳卷二
夏齊侯鄭伯如紀

謀襲紀也。後此十七年，齊遂滅紀。

天王使仍叔之子來聘。

仍叔殺作任

王使一歲再問，而魯無一往乎？曰：往矣，何以不書？諸侯不朝，以陪臣報不足錄也。仍叔之子，大夫子之未爵者。

葬陳桓公

城祝丘

魯城也。齊將襲紀，故

秋蔡人、衛人、陳人從王伐鄭。

鄭伯爲王卿士。王奪之政。遂不朝。王以三國之師討。雖其甚哉。子之於父。大杖則走。臣不當爾邪。乃使陪臣拒戰。矢集王肩。仲尼所謂是可忍也。孰不可忍。首三國罪其不効也。不書敗。諱也。王不稱天。傷至尊之卑也。

大雩

于

吁嗟禱雨曰雩。雩禮也。大雩非禮也。惟王稱大天子。大雩于上帝。諸侯雩于境內山川。魯大雩。僭也。昔者成王尊周公祀以王禮。非謂百神之祀皆可僭也。周之衰也。諸侯亡等。而禮由周公之子孫先壞之事多。

不可枚舉國惡不可直陳借舊史書事表義如旱書大雩失時書大閱六羽書初獻牛災書不郊千古有直道是非指諸掌矣

螽

公作螽

內災也

冬州公如曹

州小國如曹大去其國也其詳不可考

六年○春正月寔來

州公來魯也寔來大來也歸曰大歸去曰大去來曰寔來終之也不書州公承如曹也如曹寓也來魯寔

也

夏四月公會紀侯于成

魯地救作邲

紀有齊難諮于魯以二姬故

秋八月壬午大閱

大閱天子所以簡車徒也魯大閱非禮也八月不時也仲冬乃閱

蔡人殺陳佗

誅賊之辭陳賊而蔡人殺之人皆可殺之也

九月丁卯子同生

魯莊公始生文姜之子也國君生子不書此書何也

春秋直解

卷二

七

桓六年

雄孤亂倫人言莊公非桓子也夫文姜歸魯於今三年矣詩云采芣采芣首陽之巔人之爲言苟亦無然故詳誌其始生月日以折羣疑戢訕謗表世系正國統明慎忠厚之至也

冬紀侯來朝

紀因魯請于王求平于齊公告不能

七年○春二月己亥焚咸丘

魯地

焚林而田非禮也天子不合圍諸侯不掩羣古之制也

夏穀伯綏來朝鄧侯吾離來朝

皆近楚小國失地奔魯也書名史文也是年不書秋冬闕也說者謂仲尼削二時以見天王之不能用刑猶桓無王之迂說也

八年○春正月己卯烝

周正月仲冬也仲冬烝時也時不書此書何也周正唯改歲頒朔之類郊廟大事猶順四時之正也周衰禮廢錯亂無章未冬烝或徂冬烝惟此爲時而五月又烝書以著再舉之失

天王使家父來聘

八年而王聘三至矣

夏五月丁丑烝

周正月烝則四月禘矣五月莫春猶用冬祭慢也四時之祭冬烝夏禴禴薄烝備物夏烝非禮也公羊謂之譏亟夫五月一祭猶謂亟乎禮三月一祭

秋伐邾

冬十月雨

去雪聲

仲秋雨雪異也

祭

債

公來遂逆王后于紀

桓王娶于紀使魯爲主禮天子與諸侯昏同姓諸侯主王室卑而此禮存猶之媒妁耳常事何以書紀患

齊因魯託于王爲紀書也

九年○春紀季姜歸于京師

魯主也

夏四月○秋七月

冬曹伯使其世子射亦姑來朝

來朝史尊內也曹伯病而使世子來懼魯也比歸曹伯卒孟子云天下無道小役大弱役彊君子不盡人之情不奪人之親甚魯也

十年○春王正月庚申曹伯終生卒○夏五月葬曹桓公

秋公會衛侯于桃丘弗遇

衛地

衛將與齊鄭伐魯公求好焉衛人辭

冬十有二月丙午齊侯衛侯鄭伯來戰于郎

魯地

初齊有戎難鄭帥諸侯之師救之魯爲齊餼以周班
後鄭鄭伯怒以齊衛伐魯

十有一年○春正月齊人衛人鄭人盟于惡曹

備魯也

夏五月癸未鄭伯寤生卒○秋七月葬鄭莊公

九月宋人執鄭祭仲突歸于鄭鄭忽出奔衛

鄭世子忽出也突宋出也宋人執鄭祭仲與之盟

而立突忽出奔衛

柔會宋公陳侯蔡叔盟于折○公會宋公于夫鍾

郕地公作

董

○冬十有二月公會宋公于闕

魯地

宋既納突而多責賂突患之求平于魯魯四月內與宋會者三

十有二年○春正月○夏六月壬寅公會杞侯莒子盟

于曲池

魯地杞公作紀曲池公作歐蛇

平杞莒也

秋七月丁亥公會宋人燕人盟于穀丘

宋地

平宋鄭也

八月壬辰陳侯躍卒○公會宋公于虛宋地公作邱

冬十有一月公會宋公于龜宋地

以鄭之故踰年六會而宋不可

丙戌公會鄭伯盟于武父鄭地

魯遂卽鄭鄭伯突也

丙戌衛侯晉卒

衛宣公納子婦而殺二子天下之大惡也其卒也猶稱諸侯一字之貶安在

十有二月及鄭師伐宋丁未戰于宋

魯鄭失利

十有三年○春二月公會紀侯鄭伯已巳及齊侯宋公衛侯燕人戰齊師宋師衛師燕師敗績

魯鄭再伐宋紀人助之宋連齊衛燕四國之師拒之而敗是役也紀切齒齊人勦力所以勝也故內主紀而外主齊鄭則定而紀之禍深矣

三月葬衛宣公

宣公之未葬也衛朔趙緝而從戎非禮也

夏大水○秋七月○冬十月

十有四年○春正月公會鄭伯于曹

備宋也

無冰

恆燠也

夏五鄭伯使其弟語來盟

語穀作禦

脩曹之會也夏五不月闕文也史闕乎非也仲尼筆削史而獨存夏五爲闕疑迂矣蓋傳寫之漏世儒詫奇可爲莞爾

秋八月壬申御廩災

御廩棗盛之藏也火曰災

乙亥嘗

周八月仲夏也夏嘗先時也御廩災三日耳棗盛不

潔不可以祭

冬十有二月丁巳齊侯祿父卒

宋人以齊人蔡人衛人陳人伐鄭

報怨之師也齊有新喪而孤預外事非禮也

十有五年○春二月天王使家父來求車

車服天子所以庸也求車于諸侯非禮也

三月乙未天王崩

桓王也

夏四月己巳葬齊僖公

五月鄭伯突出奔蔡

突謀殺祭仲見逐不書逐非名也後多倣此

鄭世子忽復歸于鄭

是爲昭公突終有鄭故稱伯忽未定故稱世子春秋之義道其實而是非可知也

許叔入于許

初鄭之入許也許男奔衛鄭伯使人監許叔居許東鄙鄭亂許叔乃入

公會齊侯于艾

艾公作鄆
般作蒿

謀定許也

邾人牟人葛人來朝

天子喪諸侯不奔而相朝非禮也

秋九月鄭伯突入于櫟

歷鄭邑

鄭二君矣突遂以有鄭是爲厲公

冬十有一月公會宋公衛侯陳侯于袤

後宋地

伐鄭

宋公上公

有齊侯

定突也宋始納突旋舍突而黨忽魯始平宋復黨鄭而攻宋挾私忿而構人兄弟紛紛不定于今四年矣忽突相持而宋魯又助突攻忽親怨罔極唯利是視春秋之事君子不欲觀之也

十有六年○春正月公會宋公蔡侯衛侯于曹

夏四月公會宋公衛侯陳侯蔡侯伐鄭

再定突也諸侯多與突者忽所以不免矣

秋七月公至自伐鄭

告至書

冬城向

十有一月衛侯朔出奔齊

初衛朔譖殺二兄二兄之黨怨之至是作亂立公子
黔牟朔奔齊

十有七年○春正月丙辰公會齊侯紀侯盟于黃

齊地

爲紀平齊也宋之戰齊人怨紀深矣盟黃齊詐也

二月丙午公會邾儀父盟于雋

會公穀作及雋
僅上聲管地

邾稱字史文也

夏五月丙午及齊師戰于奚

公闕夏字奚
魯地穀作郎

君子是以知黃之盟詐也

六月丁丑蔡侯封人卒○秋八月蔡季自陳歸于蔡

蔡桓公弟獻舞也桓公卒無嗣蔡人召而立之

癸巳葬蔡桓侯

凡葬稱公書侯誤也胡氏謂以請諡賢蔡季季不請
立而請諡乎謂季與獻舞二人非也

及宋人衛人伐邾

魯及也。春盟而冬伐之。君子所以賤盟。

冬十月朔日有食之。

十有八年。○春。王正月。公會齊侯于濼。濼。祿洛。二音。公與夫人

姜氏。遂如齊。

公無與字。

夏四月丙子。公薨于齊。丁酉。公之喪至自齊。

齊襄公淫女弟。遂殺魯桓公。天下之大惡也。其書法止此一字之貶安在乎。或曰。若是則何以明戒。曰。不啻戒矣。奚醜詆而可。

秋七月。

冬十有二月。葬我君桓公。

儒者謂君弑賊不討不書葬援隱爲例也夫隱不書葬以桓不治葬也桓葬則書何例之有例窮則曰外賊難討夫義苟討也弗與共天下豈以越國遂置之儒者誣春秋類此

春秋直解卷二終

春秋直解

卷二

十一

桓十八年

春秋直解卷三

郝敬習

莊公名同桓公子在位三十二年

元年○春王正月

不書卽位父死于外不朝正卽位故無書

三月夫人孫

遜于齊

諸傳謂文姜畱齊非也公之喪至自齊則夫人歸矣
歸而復有齊之行避也與君同出而不同入彭生死
而姜生國人詫之故避也書孫微辭也說者謂削姜
氏貶也夫與其削姜氏無寧削夫人乎春秋之義無

此

夏單

善

伯送王姬

送公羊作通

單伯周卿士也王姬嫁于齊王使單伯來送魯主也嗟夫一杯之土未乾枕戈之恨方始而乃墨衰經與不共天之人効執柯之役築親迎之館往則送之喪則服之是怨賊爲腹心而淫母殺父爲生死肉骨之感矣昔申侯以犬戎殺幽王而平王爲之遣戍齊諸兒以淫惡殺魯桓公而莊公爲之主婚此一王一侯者其空桑之子與

秋築王姬之館于外

爲齊築也于外廵喪也知避喪之爲禮而不知忘父讐之非禮猶放飯而問齒決也

冬十月乙亥陳侯林卒

王使榮叔來錫桓公命

桓公弑兄得國主遁天討艷妻誨淫身死名辱在位十八年不一朝王而王使慤慤存則問之死則錫之天命有德豈濫若斯何必削天乃見其失矣

王姬歸于齊

自魯歸也

齊師遷紀邢

平鄆茲鄆

吾

三邑皆紀也。諸侯有罪，惟天子六師移之。紀罪伊何，而齊擅遷其民，兼其土，明王不作，弱肉而強食也。

二年○春王二月葬陳莊公

夏公子慶父帥師伐於餘丘

於餘丘，邾邑也。慶父，公庶兄也。帥師，專也。凡無君之惡，成于專。然亦書公子，春秋未嘗貶大夫而況天子諸侯乎。

秋七月齊王姬卒

記曰：齊王姬卒。魯莊公爲之服大功，釋殺父之怨而喪讐人之妻，禮與。

冬十有二月夫人姜氏會齊侯于禚

助齊地公作卻復同

姜氏長惡不悛聞外之行十八年閒不絕書而莊公爲子無幹蠱之孝無幾諫之言敝筭出入宜淫道路何以齊其家無忝秉禮之國哉詩人所爲賦猗嗟也乙酉宋公馮卒

三年○春王正月溺會齊師伐衛

溺魯大夫會齊伐衛黨讐人伐兄弟也書會惡專也伐鄭由輦伐邾由慶父伐衛由溺魯政下逮豈待定哀之季故春秋託始于隱桓也

夏四月葬宋莊公

五月葬桓王

天子七月葬。卻尸七年。非禮也。

秋紀季以鄆

音

入于齊

鄆亦紀邑。齊人蠶食餘一丸土而猶甘心焉。紀季遂以入齊。爲附庸。存先祀也。非紀侯志。故曰紀季以

冬公文于滑

鄭地公穀作郎

會鄭謀紀也。國恥未雪。二姬告難。苟義旅一振。則親怨兩酬。乃趑趑不進。信宿而返。書次懦之也。

四年○春王二月夫人姜氏享齊侯于祝丘

魯地

婦人享外諸侯非禮也

三月紀伯姬卒

魯女也。紀亡，伯姬以憂卒。

夏齊侯陳侯鄭伯遇于垂。

鄭伯突也。桓公十七年，鄭高渠彌弑忽而立子亹。明年齊襄公殺子亹，鄭人立子儀。子儀立十四年而突弑之。終有鄭國者，突也。

紀侯大去其國。

紀無如齊何矣。義既不臣，力又不敵，女于周，而王不能庇，控于魯，而魯不能援，故委而去之。嗟夫，魯安得不任其咎矣！夫齊紀讐尤魯讐也。紀所恃唯魯，宋之

戰爲魯戰也。紀畏齊而卽魯，魯背紀而親齊，紀季何
不以鄫附魯而甘入于齊乎？亦知魯不足賴矣。及鄫
入又不免而棄以去，去將安歸？不聞魯割一席地處
之，亦不聞遣一个使存之。伯姬之葬猶齊葬也，魯人
薄而懦，齊人很而貪，春秋惡之。說者顧稱齊復九世
之讐，且曰：百世可復也。按史周夷王殺齊哀侯，紀侯
譖之也。譖之者之讐，百世可復，則殺之者之讐，千世
復矣。千百世之讐，期于必復，則千百世之世道人心
將若何？夫虛舟遊世，達人之度也。白刃報讐，任俠之
私也。人世恩怨何常，而一一求復，豈有寧日？則爲之

說曰國君可餘人不可若是恩怨視貴賤而祖父有厚薄愈舛矣則又曰齊人以上夫盜疾主人非疾之利其財不得不殺之殺無名不得不託之苟無辭猶託而況有辭乎齊貪紀託讐耳何卜之有善乎仁者之言曰敵惠敵怨不在後嗣故伍員之報楚也夫差之報越也春秋皆不錄而錄齊九世之怨乎如世儒言高任俠之名長盜賊之風縱禽獸之行者爲孝先滅人宗記者爲名誼是春秋爲怨毒嚙矢矣曰若是君父之讐可忘乎曰烏乎可臣子之情同君父之禍異無罪而殺吾君父報之在旦夕旦夕不能期月期

月不能三年三年不能沒齒而已九世之後不已晚乎天子殺其臣子孫駕禍他人不已濫手春秋非遠于人情者苟質諸人情而可仲尼亦必曰可矣

六月乙丑齊侯葬紀伯姬

薄魯也

秋七月○冬公及齊人狩于禚

搏雉兔而忘雄狐恥也

五年○春王正月

夏夫人姜氏如齊師

師者衆也君子畏十日而況三軍之衆乎所謂公而

無恥不如鼠之有皮者矣

秋鄭黎來來朝

鄭公作僂
黎左作黎

鄭小國黎來其君名

冬公會齊人宋人陳人蔡人伐衛

納朔也

六年○春王正月王人子突救衛

莊王惡朔而助黔牟諸侯不從書王人救衛傷王之微也

夏六月衛侯朔入于衛

朔入遂放黔牟殺二公子王命蔑如矣

秋公至自伐衛○螟

冬齊人來歸衛俘

俘公作實

衛賂也齊歸齊主也稱俘諱也抗王命黨賊而以狗于貨故諱

七年○春夫人姜氏會齊侯于防

魯地

夏四月辛卯夜恆星不見夜中星隕

尹

如雨

穀作辛卯昔

記異也恆星常見之星也

秋大水無麥苗

夏正之五月無麥又無禾苗災也

冬夫人姜氏會齊侯于穀

齊地

八年○春王正月師次于郎以俟陳人蔡人甲午治兵

公作
祠兵

將伐邾也治兵習伍也

夏師及齊師圍邾邾降于齊師

邾公
作成

邾魯同姓輔讐人而伐兄弟又不得受功焉是爲讐
人走狗爾

秋師還

春出而秋還師與有無名乎討賊乎勤王乎毒民構
怨耳矣

冬十有一月癸未齊無知弒其君諸兒

諸兒之淫惡。君子識其不祥。無知者其從弟也。先僖公愛之。諸兒絀之。無知遂弑之。自立。召忽管仲以子糾奔魯。鮑叔牙以小白奔邾。

九年○春齊人殺無知

討賊之辭也

公及齊大夫盟于莒

莒魯地公殺作暨

謀納子糾也

夏公伐齊納子糾齊小白入于齊

公殺作納糾

既盟而復伐之。小白之黨不從也。書入逆辭也。弑兄得國故不與蔡季同歸。

秋七月丁酉葬齊襄公

說者謂君弑賊討而後書葬無是也宋萬弑閔公賊討矣亦不書葬

八月庚申及齊師戰于乾干時我師敗績○九月齊人取子糾殺之

魯以師納子糾齊人拒而敗之因索管仲魯與之命殺子糾魯殺之卯翼不成遂翦以謝敵何其不承權與也不書魯殺諱也

冬浚洙殊

備齊也

十年○春王正月公敗齊師于長勺

魯地

齊伐魯報乾時之役也。魯人敗之。傳曰。凡書敗詐。春秋書敗多矣。非必盡詐也。戰匪信之物。宋襄好信。貽笑千古。亦書敗不罪。戰而罪不信。是操刃而禁其割也。禁其操刃可也。

二月公侵宋

宋未有隙于魯。魯驕于長勺之勝爾。

三月宋人遷宿

宿小國。間于宋魯。宋人挾魯怨而遷之。非天子可以廢置人國乎。

夏六月齊師宋師次于郎公敗宋師于乘丘

魯地

齊宋報怨之師也

秋九月荆敗蔡師于莘以蔡侯獻舞歸

舞數作武

息侯以蔡侯無禮于其夫人息媯致楚師以敗蔡師書執蔡侯甚楚也書荆史文也說者曰春秋夷楚不與其爲國故州之夫禹貢九州而朝者萬國周一州爲二百一十國州非小于國也楚居荆荆以卑之吳亦夷居揚而何不揚之祇可笑矣夫國於天地皆王土聖人於人皆同類惟六服之外大漠窮島遠不可至其俗不可習其地不可任其民不可臣其政教不

可通。不得不置之勢耳。若夫襄鄧汝漢。近在侯綏商
頌曰。維女荆楚。居國南鄉。言至近也。揚越之地。會稽
之山。具笠之澤。皆職方內。九貢入焉。正朔加焉。巡狩
至焉。朝會同焉。帝王盛時。以封賢哲。爲藩輔。仲尼一
切割爲夷狄。僅僅守一規之中原曰。此王民。王土耳。
不亦觸蠻之天下也。與哉。而禹湯文武。不亦棘端之
王也。與哉。其說始于漢司馬遷。謂楚故蠻夷。吳自壽
夢始通中國。夫壽夢時。春秋之末造矣。九州闢自唐
虞。歷夏商周。千有餘歲。豈春秋定哀前。荆揚尚爲異
域乎。齊桓伐楚。問王祭不共。未嘗詆其爲夷。管仲遣

蒙孫通好。宋襄求霸。乞盟于楚。世儒何據。創爲此例。
古稱荆蠻猶魯。淮夷齊萊戎。周之陸渾。晉之赤白狄。
不以累周。晉齊魯。奈何以羣蠻故。并累吳楚也。世儒
欲諛霸無名。而取諸攘夷。攘夷無名。而取諸服楚。僞
起凡例。非春秋本義。春秋惡吳楚爲王。非惡其爲夷
狄也。

冬十月。齊師滅譚。譚子奔莒。

初。小白出亡。過譚。譚子不禮焉。反國又不賀。齊人遂
滅譚。夫諸侯失禮于天子。一則貶。再則削。非天子而
失禮。罪不抵滅。春秋書滅國。自齊桓始。君子所以惡

于霸也

十有一年○春王正月

夏五月戊寅公敗宋師于鄆

地魯

宋脩乘丘之怨也

秋宋大水

外災弔則書

冬王姬歸于齊

過魯也齊魯方構故魯不主婚

十有二年○春王三月紀叔姬歸于鄆

初紀季以鄆入齊存宗祀也紀侯大去九年而叔姬

復歸君死不忘先祀從一之義也錄叔姬所以甚齊

夏四月

秋八月甲午宋萬弑其君捷及其大夫仇牧

捷公作接

乘丘之役魯俘宋大夫長萬釋歸宋公與之博而婦人在側萬視婦人而誇魯君美公斥之遂弑公仇牧救之并殺牧

冬十月宋萬出奔陳

宋人立公子御說是爲桓公賂陳請萬醢之凡弑君之賊殺無不書者殺人醢非祥刑故不書說者謂君弑賊討而後書葬宋萬討矣閔公亦不葬何也閔公

弑于蒙澤五族內亂明年春齊人徵會于外不成葬魯不會故無書也暴君父之柩而以討賊賊不得將終不葬乎或曰不書非真不葬然則春秋之義可言不可行愈非也

十有三年○春齊侯宋人陳人蔡人邾人會于北杏

齊侯

穀作齊人北杏齊地

齊桓公謀霸因宋亂召諸侯會于北杏以是嘗諸侯也

夏六月齊人滅遂

北杏之會遂人不至齊滅之三年之內滅國者二霸

之興小國之害也

秋七月○冬公會齊侯盟于柯

齊邑

始及齊平

十有四年○春齊人陳人曹人伐宋

宋背北杏之盟也

夏單伯會伐宋

齊以宋亂請于王王使單伯會師此王臣受盟之始
重耳襲之召天子徵兵畿內桓作備也

秋七月荆入蔡

蔡侯譽息媯以盡楚子楚子滅息取媯而嬖更爲伐

蔡詩云豈不爾愛既其女遷蔡哀侯之謂乎

冬單伯會齊侯宋公衛侯鄭伯于鄆

鄆衛地

宋服也

十有五年○春齊侯宋公陳侯衛侯鄭伯會于鄆

諸侯從齊也

夏夫人姜氏如齊

諸兒死矣小白脩內政而姜猶未改步則其帷薄亦

可知矣所以卒亦有中冓之禍與

秋宋人齊人邾人伐鄭

倪公作兒

鄭宋附庸也齊爲宋伐故主宋

鄭人侵宋

乘宋之有事于鄭也

冬十月

十有六年○春王正月○夏宋人齊人衛人伐鄭

爲宋伐也

秋荆伐鄭

鄭厲公自櫟入鄭殺子儀告楚緩楚人伐之

冬十有二月會齊侯宋公陳侯衛侯鄭伯許男滑伯滕

子同盟于幽

宋地公作公會許男下公較有曹伯

齊桓公始霸也會不列公內稱不備也說者謂公不

赴諱之既書會何爲不赴不赴而諱是貴盟也春秋之義賤盟是年王使虢公命晉曲沃伯以一軍爲晉侯此晉之始不書春秋于晉亦可知也

邾子克卒

凡諸侯卒皆書爵穀梁謂稱子爲進之迂也

十有七年○春齊人執鄭詹

公作瞻下同

鄭大夫也鄭侵宋又不朝齊齊人執之此霸主執人之始書惡之世儒謂伯討謬也

夏齊人殲于遂

殲音尖公作殲

齊滅遂使人戍之遂人醉戍者酒盡殺之

秋鄭詹自齊逃來

來魯也。君子遠恥以禮蒙難，以貞書逃，賤之。

冬多麋

記異也

十有八年○春王三月日有食之

不日不朔史闕也

夏公追戎于濟上音西

戎侵魯也

秋有殽域或二音

短狐射人者也書異

冬十月

十有九年○春王三月○夏四月

秋公子結媵

印

陳人之婦于鄆

緡

遂及齊侯宋公盟

結以媵人之婦行泣盟非誠也是以有三國之師諸
傳拘一字之例爲遂事謬也

夫人姜氏如莒

書蕩也

冬齊人宋人陳人伐我西鄙

討子結之慢也稱鄙遠之之辭不使敵師踐我郊牧
及我門闕然則不及乎曰及矣聖人終諱之皆所謂

脩辭之誠游夏不能贊者也後多做此

二十年○春王二月夫人姜氏如莒

夏齊大災

火也

秋七月○冬齊人伐戎

說者謂齊桓公攘夷殆此類與

二十有一年○春王正月○夏五月辛酉鄭伯突卒

秋七月戊戌夫人姜氏薨

春秋未嘗以字貶人明矣文姜之惡其薨也猶夫人穀梁謂爲婦人弗目也則奈何他事而又目之胡氏

謂已爲君母難于貶也則奈何他事而又貶之是故春秋無例

冬十有二月葬鄭厲公

二十有二年○春王正月肆大眚

損公作省

聞赦小過者矣不聞肆大眚莊公以母喪推恩未可爲典刑

癸丑葬我小君文姜

陳人殺其公子御寇

御公殺作禦

陳宣公殺子書陳人不父也傳不詳所以

夏五月

凡紀時以首月夏五月闕文也

秋七月丙申及齊高侯盟于防

魯及也盟高侯乞婚也乞婚而以盟徼大國之寵而忘其讐也

冬公如齊納幣

禮親迎不親納幣莊公生于桓六年今三十有六歲矣婚豈其繼室與始婚不書而繼室書爲其偶讐人之子也

二十有三年○春公至自齊

祭債叔來聘

周卿士聘魯也

夏公如齊觀社

慢遊也

公至自齊○荆人來聘

楚聘魯也。行人不名。史逸也。凡大國人來書聘。如王人齊楚之類。小國來書朝。如杞滕薛穀鄧邾牟葛人之類。苟春秋卑楚。宜比滕薛。不然。宜無書。今入春秋五十年。書大國之聘。惟楚與齊。說者謂楚不得與齊魯齒。何居。又謂書人。所以進之。苟不進之。宜何書。

公及齊侯遇于穀。蕭叔朝公。

穀齊地蕭魯附庸叔其君名朝公于穀也

秋丹桓宮楹

脩禰廟將逆齊女也君子曰先公之讐齊女之父也
丹楹可以慰厥考乎禮有大于丹楹者

冬十有一月曹伯射

亦姑卒

十有二月甲寅公會齊侯盟于扈

鄭地

以婚齊之故再盟一遇如齊者三

二十有四年○春王三月刻桓宮桷

將見齊女也君子曰先公之讐齊女之父也刻桷可
以謝厥考乎事有厲于不刻桷者

春秋正義
卷三
葬曹莊公

夏公如齊逆女

親迎也

秋公至自齊○八月丁丑夫人姜氏入

凡婚姻無故不書。哀姜之歸自盟而納幣而遇而再盟而親迎而至而入何詳也。忘父讐耦淫女以買禍書入難之也。

戊寅大夫宗婦覲用幣

宗婦大夫妻也。夫人歸而大夫與其妻覲禮也。贄用幣非禮也。婦贄不過棗栗脯脩。

大水○冬戎侵曹曹羈出奔陳赤歸于曹

羈赤皆曹莊公子戎逐羈而納赤是爲僖公

郭公

公羊連上文作赤歸于曹郭公

闕文也詳夏五

二十有五年○春陳侯使女汝叔來聘

書字史文也諸傳謂爲嘉之大夫書字多矣豈必盡嘉

夏五月癸丑衛侯朔卒

衛朔殺二兄抗王命以篡逆得國其卒也亦諸侯春秋未嘗褒貶人也

六月辛未朔日有食之鼓用牲于社

陰侵陽告于社社陰主也伐鼓用牲是謂巫風

伯姬歸于杞

其詳不可考其莊公之愛子與當時必有踰禮者故書

秋大水鼓用牲于社于門

土妻水秋祀門皆委巷之禮也

冬公子友如陳

報女叔之聘也

二十有六年○春公伐戎

公無春字

報濟西之役也

夏公至自伐戎○曹殺其大夫

不名史逸也古者諸侯之大夫皆命于天子有罪以請不敢專也刑不上大夫近君也殺大夫必書慎刑也有罪無罪質其事而可知名不名非例也

秋公會宋人齊人伐徐

徐近魯之國宋齊爲魯伐也

冬十有二月癸亥朔日有食之

二十有七年○春公會杞伯姬于洮

舊魯地

會洮爲愛女也諸侯非民事不舉

夏六月公會齊侯宋公陳侯鄭伯同盟于幽

陳鄭從齊也說者以書同爲同尊周于是而後授之諸侯焉夫桓何能尊周同盟與同尊周遠也且桓不能得諸侯而待仲尼授之乎諱張之言也

秋公子友如陳葬原仲

原仲季友之友也朋友死而越國送私交也大夫非君命不越境

冬杞伯姬來

婦無外政出則書

莒慶來逆叔姬

莒慶自逆其爲君逆不可考矣

杞伯來朝

伯姬在魯也

公會齊侯于城濮

衛地

將伐衛也是年惠王命齊桓公爲侯伯不書春秋于齊桓之爲伯可知也

二十有八年○春王三月甲寅齊人伐衛衛人及齊人戰衛人敗績

齊桓新爲侯伯王命討于頽之黨衛人不量敵而與戰所以敗也然不書王命何也假王命受賂還非誠

王命也。書人君大夫國人皆人也。說者謂將卑師少，苟將尊師多，非人乎？或曰：貶也。王命何貶之有？

夏四月丁未，邾子貜卒。

秋，荆伐鄭。公會齊人、宋人，救鄭。

宋人下公，有邾婁人。

說者謂書救為善之。春秋諸侯之相救，猶揚堞而弭塵也。奚善之有？

冬，築郿。

郿，公穀作微。

病民也。是歲饑。

大無麥禾。○臧孫辰告糴于齊。

無麥又無禾，饑甚也。于冬書無以卒歲也。

三十有九年○春新延廡救

加塗曰新禮年饑馬不秣新廡失務也

夏鄭人侵許○秋有蜚沸

蝗也

冬十有二月紀叔姬卒

錄無告也以薄魯

城諸及防

饑歲相仍役不時也

三十年○春王正月○夏師次于成左無師字

齊人伐鄆魯自備也

春秋左傳卷三
秋七月齊人降

巷平聲鄆

鄆近齊小國力服曰降

八月癸亥葬紀叔姬○九月庚午朔日有食之鼓用牲

于社○冬公及齊侯遇于魯濟

沛

濟水經齊爲齊經魯爲魯遇謀山戎也山戎病燕

齊人伐山戎

齊桓公九合諸侯不以兵車戎狄殘王室滅友邦蓄
縮自保伐山戎卷甲千里懸車束馬無遺力舍腹心
而護手足霸者所以求名也

三十有一年○春築臺于郎

營不急也

夏四月薛伯卒○築臺于薛

魯地

周四月夏二月也築臺非時也

六月齊侯來獻戎捷

凡諸侯有四夷功獻于王侯國不相遺俘也濟之遇齊謀戎于魯及捷來遺之俘書獻史尊內也

秋築臺于秦

魯地

作無益害三時書屢也

冬不雨

恆暘也

三十有二年○春城小穀

魯城也。春城不時也。不書魯內稱不備也。左傳謂爲管仲。夫管仲食于穀。齊地也。而小穀魯地也。惟魯地不國。

夏宋公齊侯遇于梁丘

梁丘地介曹邾間。去齊八百里。宋齊方睦。桓與宋謀。楚而遠爲遇。當時必有資于宋者。故書先宋。然其詳不可考矣。桓之謀諸侯也。自宋始。諸侯之從齊也。宋爲先。故齊宋親睦。無會不與。蓋齊霸宋與力焉。

秋七月癸巳公子牙卒

季友叔牙慶父皆桓公子莊公弟也莊公病哀姜無子公召季友而屬于般叔牙謀立慶父季友酖叔牙殺之書卒諱也

八月癸亥公薨于路寢

君薨必於路寢禮也時方內亂書公薨得正以明微也

冬十月己未子般

班

卒公子慶父如齊

已未

公殺

季友立子般慶父使圉人犇弑之季友奔陳慶父立莊公幼子啓方爲閔公求好于齊子般不書弑季友不書奔何也子般賤而未樹也莊公淫于黨氏女生

般哀姜之娣生啓方成風生申舍申啓方屬子般公之溺愛也季友莒般殺兄亦未仁也如曰公命何不與諸大夫國人共立子朝而卽位黨氏以誨禍是子般未成爲君季友于先公之託未效也然慶父以弑般出奔書如齊何也從容之辭見魯不討而齊爲主藏也聖人于內惡蓋亦不忍直之

狄伐邢

凡戎狄薦居中土皆有國邑不書國書狄以別于諸夏此春秋待夷狄之明法也

春秋直解卷三終